

ak'e yam'um'a

ne noana'o, panto mosoc'ola noachi ci mamespingi no hosa ta cou,
moso nana botngonu na ohsi peafa ci 'o'oko no haahocngu, at'inghi mate
atavei tungongabo na 'o'oko nosi haahocngu ho ac'uhu no vcongusi,
mosocuc'o noachi 'e mamespingi. ne mohcu kuzo 'o vcongusi, 'iyama
mohcu ma'mahafo. micu ake'i aomomane Tec'unana yayo na oko, micu
maica ho kuici cong'ebuyo 'e mamespingi. ataveisi, isicu peafa na cihi ci
oko no hahocngu. ahoi ho moso payo'u no 'o'oko ho vcongusi, 'e
mamespingi mohcuc'ola noachi, mio a'umtu 'aveoveoyu ho isi i'vaha fii ta
oko no hahocngu no yoyahcoya.

at'inghi, 'e oko mo na'no afnaso h'unasi, fihno hiasi yayo hocu aucunu
yam'um'a na feangosi, ho 'osni meelu yusuhngu, ho isi aiti no inosi homo
cocvo, 'iyama micu aulu noemuhu na hisisi. 'o isi atva'esa taunona'vi,
moc'on'a miemohi homo yayo, ma micu sasmoyusku, mo'so na'no
mih'unasi 'e oko, isi yophia no inosi honcihela cocvi ho pohcingha, hafa 'e
oko ho yone fuengu, lasic'o asngucva aototoefunga 'e oko.

at'inghi, 'e oko mate afnaso yaa tonua, mo na'no meemealu eyafou,
couno hola mayo no yuansou, lasi aacnia ieni to ti'a'ausna ta cou to inosi,
acuha utisneni na mao'oahnguhe, ma tehe'so taakoknueva no 'oahngusi na
i'mizisi ta fou.

moso i'nusku maica, te i'vaho e'ohu ho eyafou 'e oko, isi eutotaveia no
inosi ho yainca, " teko tutputu no micu yuepungi ci fuzu, ho to'seni to
yoyasva to kuba homo botngonu 'omo nouteuyunu. " o'amo aomane, mo
a'umtu tutputu no micu maseafo na hisi ci fuzu, yaino e'ausnu to inosi ho
to'seni to kuba.

ihecu aiti no haah'o namo yono yoyasva ci fuzu, acuhu yamci hocu
epusku no poyave no sungcu ho yu'usni na fuzu, at'inghi uk'a cimo ahtu
tiv'ohu, namamo botngonu na isi alolonga no fuzu ci haah'o, o'a ihe amaka
peela 'a'usni nomo botngonu na fuzu.

aiti no oko ho o'a ihe pepelui, micu uhto kuba ho tutputa na fuzu, ahoi
ho mio, ohecula koekoe'ia 'emo maululu ci hahocngu, ko'ko ohecu
toehunga cohivi no cono hosa 'emo yuutataso ci oko. ahoi ne mio, o'ana
ohela so'iupotfanga 'e mamespingi ho oko eni.

ohecula toehunga koe'ia ta cou lahe'so anga taunona'vi na isi hi'hioa,
ohecula toehunga p'eac'a ho teai fafeifeiha, eahahafo no yu'fafoinana ho
autuca 'e hosa, a'vihnano mohcula um'umnu na h'oyunsova ta na'ina. ne
mohcula mameoi hocu mongoi ta tiskova, a'vinano mo'so na'no yam'um'a
na feangosi, ohcula toehunga yainca, " ak'e yam'um'a ".

111 年全國語文競賽原住民族語朗讀 【鄒語】 高中學生組 編號 2 號

長毛公公

以前有位孤獨的婦人，她生了很多孩子，但先生和孩子們一一死去，只留下她和腹中胎兒活著。

她生了一個男嬰，這個男孩全身長滿濃密毛髮，也可以自己坐著，他的牙齒也都長齊了。

到了第五天，男孩已經長大了，由於他長相特殊，婦人怕他被嘲笑欺負，叮嚀他躲起來。

男孩力氣奇大無比，很會打獵，每次獵到野獸，母親會依照傳統將肉分送給親友，親友們不禁懷疑山肉的來源。

男孩又要打獵，婦人交代說：「你要活捉一隻山豬，把牠丟到 Kuba 前的廣場。」他依言將列到的山豬丟到廣場。

部落勇士發現 Kuba 前出現山豬，與山豬搏鬥，但山豬已經傷了好幾個人。

男孩見機不可失，立刻現身並活捉山豬，部落勇士非常佩服這個陌生人，也才知道部落中有這樣一位孩子。從此族人不敢再瞧不起婦人。

族人一致推崇他當領袖，保衛家園，他過世後，被尊稱為「長毛公公」。